

司

農

奏

議

司農奏議序

司農奏議者計轡諸大
夫所刺南渚先生奏議
也先生爲大司農值時
之詘旱溢頻仍採權驛
騷民生物力蕭然凋敝

有司常苦賦不辦左枝
右梧蠲賑之告章交公
車太倉入益縮而內方
有

典禮之需不時之宜索外
復有庚癸之急它事之

借移旁午紛拏蜩起麝
至可謂獨難先生朝籌
夕計挹彼注此調停於
羸縮急緩之間幾於羽
敝口瘖矣至其數爭採
權進危亾之規發城社

之慝危言極論無所回
諱其爲民請命爲國嗇
財汲汲皇皇不啻已之
饑室之磬也

上時有所責辦請停請減
衡命閉帑累

詔趣之而不發監局絡繹
謹呶之而不動而

上常爲寬假慰諭

曰拮据甚苦

曰知卿苦心卽或報或留
要以耳逆而意孚雖置

而竟用頃時政一新

湛恩四溢固

聖心若決江河哉然而朝
灌之夕注之謂無益于
停畜沉涵而助其沛然
之勢亦不可矣不佞嘗

謂人臣不能家視國不
忠不精白而責難不恕
徒以筆舌與宵人爭不
告自邑而卽戎不武先
生一腔忠誠無一念不
爲公家計百行精潔無

一事不可與天知足以
感動

明主信服士大夫而屈折
中貴故其言明目張膽
懇懇侃侃一出自純衷
素履真切有味與尋常

封事空言者不同卽先生自疏有云臣言甚苦臣心甚甘聽之若逆耳難收咀之則怡心有味此數語者亦足盡奏議之槩矣先生早年抗疏

幾錮而起人以氣節重
先生今爲大司農人又
以經濟歸先生然而先
生恂恂默默若無若虛
所謂不求有功不得已
而功見不求有言不得

已而言出此爲真氣節
真經濟蓋以集義養氣
得之未易言也奏議凡
若干卷詞氣風度酷似
陸宣公其才誠相伯仲
若論遭際勲業宣公不

逮矣讀是編者以余評
爲何如

賜進士及第通議大夫禮
部左侍郎兼翰林院侍
讀學士記注

起居

經筵

日講官晉江李廷機序

司農奏議目錄

卷之一

上供

鋪 官錢糧疏

請減 福王婚禮疏

請減 七公主婚禮疏

辦減 七公主婚禮疏

請寬停買辦銀兩疏

請寬珠寶疏

請寬停買辦銀兩疏

餉價請停買辦疏

請寬停買辦銀兩疏

請寬停買辦銀兩疏

請寬李銀容催補疏

懇寬金花請裁買辦疏

懇寬金花請裁買辦疏

覆光祿寺題催錢糧疏

請停買辦銀兩疏

卷之二

經制

覆議黃冊疏

清賦役疏

條陳銀庫疏

申飭銀庫出納疏

覆寬積羨疏

釐革京倉弊政疏

修倉疏

京通二倉通融支放疏

議江西稅監查驗糧船疏

申明江南兌務疏

議截留漕糧疏

覆浙江巡鹽條議白糧疏

覆通糧廳條議漕運六款疏

協濟河工疏

河工私借邊餉疏

覆遼鎮巡按修復屯田疏

陝西鹽池開採疏

兩淮超單疏

題止兩淮浮課疏

覆嚴禁私懇竈蕩疏

題禁宜鎮奸徒阻撓鹽法疏

覆陝西總督鹽法疏

辦止魯鹽浮課疏

關稅虧減疏

申飭關稅疏

卷之三

會計

經用匱乏有繇疏

請會議國用疏

進國計書冊疏

經用匱乏有繇疏

催發章奏疏

國計艱難疏

請會議國用疏

覆四川巡撫留餉疏

計處兵餉疏

再申設處遼餉疏

覆湖廣撫按留贓罰疏

再請酌處諸臣停緩疏

再請會議金祈罷免疏

卷之四

督通

催各邊民屯疏

題查已解錢糧未到疏

題飭湖廣通負疏

題飭省直借用錢糧疏

差官分催錢糧疏

催保定拖欠錢糧疏

卷之五

借請

借太僕寺銀疏

借太僕寺銀疏

辦借寺銀疏

借寺馬價工部稅銀疏

太倉歲額益虛請借內帑馬價疏

題借馬價稅銀濟邊疏

卷之六

籌邊

覆兵科申飭邊方事宜疏

題催邊餉及點撫臣疏

請帑濟邊疏

請帑濟邊疏

請帑濟邊疏

請帑濟邊疏

請帑濟邊疏

覆議雲南巡撫請餉疏

請發帑以定遼變疏

清查邊餉疏

請帑濟邊疏

請分稅濟邊疏

請帑金分稅疏

請內帑停遼稅疏

請帑餉軍疏

卷之七

恤災

覆保定巡撫議賑疏

題順天等府荒政疏

請 欽恤餘銀分賑疏

請分賑仍免權稅疏

請發救荒章奏疏

災異脩省疏

覆保定巡撫災傷疏

水災疏

請賑疏

請發帑賑濟東南災民疏

覆南京條議救荒疏

畿南被災請 賜蠲賑疏

畿南災傷題催請賑疏

災傷四起請暫停稅疏

覆北直福建督撫按題請蠲賑疏

流移滿路請發帑罷稅疏

繳 欽恤聖諭疏

繳 欽恤聖諭疏

繳 欽恤聖諭疏

繳 聖諭疏

卷之八

催補

催倉場總督疏

催左右侍郎疏

再催左右侍郎疏

催兩淮巡鹽疏

請點左右侍郎疏

卷之九

糾參

九卿請罷礦稅疏

請停蘇松河南礦稅疏

叅河南礦稅千戶疏

叅指揮魯登科疏

九卿請停礦稅疏

叅河南稅監疏

叅江西稅監疏

請罷礦稅疏

題止雲南寶井疏

請罷機易山開採疏

辯徽寧等府稅契疏

請罷礦稅疏

止山西關稅疏

匱乏請罷礦稅疏

保順雲南礦變疏

災異請罷礦稅疏

災異請罷礦稅疏

災異請罷礦稅疏

止煤稅疏

題叅縣官虛報錢糧疏

冬至請停礦稅疏

繳停礦 聖諭疏

貴州變請停稅疏

請禁通番稅監疏

請罷遼稅疏

題茶草場內監疏

卷之十

薦叙

覆叙天津墾田功次疏

考覈延寧管糧疏

考叙延寧糧儲疏

考叙崇文門官主事疏

卷之十一

申救

請寬被逮小臣疏

請寬屬官疏

題請寬議閣臣疏

卷之十二

自陳

考察自陳疏

題解節省餘銀以濟邊需疏

卷之十三

奏辯

辯會推疏

奏辯人言疏

奏辯人言疏

卷之十四

謝辭

謝鈔錠羊酒疏

辭署銓務疏

請假省墓疏

引年乞休疏

懇恩乞假疏

辭看牲疏

請假省墓疏

考績乞休疏

衰病乞休兼催左右侍郎疏

懇恩乞假疏

懇恩乞假疏

抱病聞言乞休疏

慰留再懇乞休疏

無漕事竣乞休疏

衰病乞休疏

衰病乞休疏

司農奏議

目錄

十二

遇災乞休疏

衰病乞休疏

目錄終

司農奏議卷之一

太子少保戶部尚書濟南趙世卿著 孫濟利梓

鋪 宮錢糧疏

題爲愚臣心力已殫

明旨催責轉急敬陳前後進過之數當事情景之難以回

聖心以恤大計事頃該

御用監把總張潤澤等題催進辦錢糧奉

聖旨前婚禮缺用那借大工錢糧應急今大工指日報完該部自應補還濟用何至屢旨催略不加

意着上緊那處照數完進不許仍前互相推託致
悞大工責有所歸欽此欽遵到部臣不勝驚惶隨
與二三同屬再四躊躇事勢蹙窮計無所出故
敢不避激聒爲

皇上縷陳之該臣查得萬曆二十六年間臣部進過
大工鋪宮各庫監局錢糧共八十七萬六千三百七
十五兩零二十七八九三十年進過

冊立分封冠婚禮各錢糧共二百五十五萬七千
二百四十七兩零二項共三百四十三萬六千
二百二十兩零幾盡一歲之入以償之此從古

所未有者往年 皇上婚禮用不過七萬豈今
數十倍之猶不見其足乎鋪 宮錢糧千二十
六年盡行進完一向不聞說起年來該監題催
婚禮錢糧并不聞借之一字及恭遇 冊立該監倉

卒具題呼及進辦舉 朝失色合署皇皇如此

之急彼時不聞借及鋪 宮而事完之後一旦

創言臣竊惑之鋪 宮方完責悞 婚禮幸而

告完復責鋪 宮甲止乙起循環無端前支後

吾徵求百至臣之一身無處非罪 皇上聰明

天縱試思鋪 宮錢糧進于二十六年之前而

猶謂之悞有是理乎 大婚錢糧進至二百五

十五萬之多而猶稱不足豈人情乎數已過多

者尚指爲借事已久完者尚指爲悞難臣如此

臣復何敢言哉 國家舊制進辦惟在承運

庫而各監局于該庫取之未各有各監局紛取于

本部亦未有事完而取猶不止者此令甲班班

可考也夫茅茨土階投珠抵璧臣方惓惓爲望

連年盡括太倉京邊銀兩以抵內供臣惟恐以

金珠而悞 國計乃該監又謂臣重邊餉而悞
上供不知邊餉一事正臣所欲言而未形者該監先
得臣心而言之亦非臣敢爲軒輊也

祖宗方冊四百萬之設原爲濟邊

皇上屢旨亦深以邊餉爲憂目今下半年九邊之餉
尚無設處儻有脫巾而起者今日該監以重邊
餉責臣臣猶可當異日

皇上以輕邊餉責臣臣安逃乎臣自知庸劣不堪大
任惟念九列虛人卿貳未補不敢求退日來臣

部九塞之文積于几案珠商告價囂聚庭階百
官之俸糧未頒三大營之草錢未給適接銀庫
揭報實在銀八十七兩捌錢零耳加以中使凌
催明旨切責如負債之主官司追呼催逼四
出而囊橐蕭然應接不暇六卿之曹往爲榮階
至臣獨爲罪府郎如 典禮覃恩會天同慶臣
部拮据數年時刻焦苦集有成事乃猶屢蒙督
責是何臣部之不幸至此耶

皇上試觀六曹之設命有囂凌迫遽如臣部者乎臣

言及此臣心欲碎伏乞

皇上留心省覽試思鋪宮錢糧完在何年則何得
言悞婚禮錢糧視前幾倍則借之何爲目下
邊餉算該二百餘萬作何支應邊餉之外更有
何項可以進供如此思之則事勢之窮臣心之
苦自當了然洞徹臣之庸劣見惟止此乞先

賜罷斥別選賢能以克任使惟

皇上少加寬恤則臣部猶可覲附于六卿之列若其
不寬則臣雖罷去而體面盡夷臣不足惜柰何

令六卿之體掃地也至於量入爲出深圖節省以幾隆古之風消隱憂之至則

明主之自爲

社稷計者尤臣犬馬戀主一念惓惓等因萬曆三十二年七月十六日具題

請減福王婚禮錢糧疏

題爲奉 旨督催錢糧懇乞寬限以便措處事恭

惟 福王婚禮錢糧臣部前已進過二十七萬兩近日屢蒙 嚴旨切責臣部業已具疏聽候處分外本月二十九日忽接承運庫題奉

聖旨福王婚禮吉期今已迫近戶部錢糧如何尚缺着查該司官職名來欽此欽遵傳捧到部臣堂屬一時不勝悚仄亟取銀庫揭報查之毫無存積惟有通糧廳隨糧輕齎等銀尚存二萬四千八

百餘兩倉卒之間計畫無出合將前銀盡數給
商賁令辦進其前疏所陳邊餉金花等項缺少
之多臣等固知後日之罪更有甚于今者然亦
不暇顧矣伏望

皇上寬假 勅下庫監查照

皇上大婚及 潞王婚禮之例通融樽節以濟目前
此外臣部惟存老庫此項向奉

明旨不敢擅議若別有分毫匿不以 獻無論天日
在上抑且 斧鉞在前柰何以

皇上自有之財而冒此欺

皇上試遣科臣至庫一查則

死矣至於前項錢糧出

一家之中臣其家督而

飭旣乏率作于平時調

旦天威洊至百譴自

皇上之臣子也感恩知罪尚

之則

皇上之芻狗也明罰勅法亦

雷霆雨露總屬生成傾覆栽培
職名開列疏後伏惟我

皇上霽色憐焉萬曆三十一年

四日奉

聖旨福王婚禮期迫庫監奏請
作速辦進應用其餘的陸續
司官且不究毋得因循悞事

請減 七公主婚禮錢糧疏

題爲嘉禮伊邇時詘難支謹查近例仰懇

聖明俯賜裁酌以便供應事頃者

七公主婚媾屆期該內承運庫御馬監太監孫順
等 御用監把總張潤澤等各題急缺金兩珠
石等件開列數目俱奉

嚴綸欽承到部臣卽督率司屬竭蹶殫衷力圖辦進
期以仰慰

聖懷用襄 盛典第據該庫開列金兩珠石等項約

估價銀一十九萬餘兩已屬不貲乃該監所開
數後倍之臣查萬曆六年

皇上婚禮用止七萬煌煌儉德載在典彙足爲世則
今 公主雖貴視之

皇上不能有加而 典禮雖隆比之

至尊自當少減矧當此邊圉告急之秋適值帑儲罄
懸之日昔嗇今汰時詘舉盈想亦

聖心之所不忍也伏乞

清燕之閒俯查成規速賜裁酌

勅下臣部如數供進庶用度約而易遵錢糧簡而易就或可稍定戾於萬一乎抑臣猶有請焉臣職忝司農所謂爲

皇上守財而經紀其出入者也邇年以來買辦一節專責臣部一進之後

官府迴隔杳不相聞有無多寡漫難究詰是徒重臣部之困且無裨

典禮之實也合無將前項金珠等件恭候

欽定銀數咨臣陸續辦進折銀發令該庫自行措辦

或查庫有存積照數扣留庫無存積另行奏買
該庫驗收之後分給監局刻期完造至於
御用監錢糧原與臣部無干涉更乞

聖慈查照

祖制概諭停止不獨可以明職掌而亦所以杜虛糜
也臣區區犬馬愚忱竊計

國家吉祥振振未已而

庭闈豫悅源源有加但期百禮之類仍月恒日升
而川至奚俟多儀之繁縟如幾如式而如林惟

典制之足徵卽情文之無缺寧獨昭節儉而示來茲
其所以拯時艱而培元氣者豈淺鮮哉臣愚不
勝惓惓悚仄待罪之至等因萬曆三十五年十
一月二十八日具題十二月初七日奉

聖旨當時大婚錢糧有先朝帑庫積餘銀湊用其後
典禮出府等項所費不貲今搜括已盡所以不足
支用鄉旣這等說准該庫該監奏討數內每減三
分之一辦送應用欽此

辦減 七公主婚禮錢糧疏

題爲奏討已蒙

欽減庫監萬難兩供謹剖析職掌披瀝苦衷懇祈
聖明責并歸一以便遵守事頃緣

七公主婚媾在邇臣部詘極難支不得已聽赤叩
閣援例求減伏奉

聖旨當時大婚錢糧有先朝帑庫積餘銀奏用其後
典禮出府等項所費不貲今搜括已盡所以不足
支用卿旣這等說准該庫該監奏討數內每減三

分之二辦迭應用欽此臣捧繹

明綸身心踴躍仰見天威下霽宸聽轉圜益深

知臣部之窮而俯恤臣心之苦矣自宜刻期恭
進安敢復有竄陳唯是職掌未明而手足無措故
敢不避斧鑕而爲

皇上再哀鳴之夫內府各監局錢糧總管於承
運一庫故御前凡有傳討該庫卿

命而致之臣卽援額而納之庫然後奏

請給發各監局關領成造是乃承運之名所錄以立

從來未有該監突生枝節別立門牆踰庫徑行
奏討者此

祖宗典制不但臣宜守之該監宜守之亦

皇上所以率繇舊章握爲道揆者也邇年以來該監
越俎妄索凌轢百端臣卽茹堇含酸付之一忍
詎敢無知瑣屑輕冒

宸嚴至今而恣意奏討無復

典制矣再查二十三年長公主婚禮用銀一十二
萬當時討自該庫斷自

聖裁未聞該監從旁別派一宗也成案具存庫臣可
質今卽每減三分之一亦二十六萬有奇矣一
婚禮耳一討於庫再討於監是兩承運也一供
應耳一以給庫又一以給監是兩戶部也枝分
蔓衍長此安窮無論錢糧萬不能敷其於

祖制亦大相謬矣人臣而至於違制戾尚恐言哉恭
誦 聖諭謂先朝帑積搜括已盡矣

內庫有無臣不敢問豈以今日太倉搜括猶爲未

盡耶

皇上御極初年庫積幾滿千貫目今寥寥僅八萬耳而邊鎮告急迫於星火見今已題未發之餉薊鎮等鎮共欠邊鎮銀一百二十四萬七千四百八十餘兩環向四索遣發無從每一念及臣心欲擢臣胆欲落尚不知駕於何稅而身於何置也乃以一七公主婚禮復倍長公主而兩之皇上試一垂思能無惻然動念乎且國家額課所徵於省直者止有此數而內供繁億所需於額外者逐歲彌增以致新舊尚

役共欠價銀四十餘萬臣每朝入暮歸諸商羅
泣聲殷於衢致臣掩面以趨苦無半詞以相荅
也是豈有讐於諸商哉邊爲重則商爲輕急於
彼必緩於此勢也亦理也今將執商人而督之
曰爾辦爾實則商人亦反而詰之曰爾償吾價
臣將何計以支而亦何面目以責之乎况此輩
詐僞百出無不以一駕十錢糧一入其手舉門
墊茶果之費不可勝紀及至

御前不過二三而虛糜固已七八矣今與其付於漏

卮之手何如獻於 召見之前與其臣部購求
之艱孰若該庫採辦之易此臣所爲願折價以
進蓋就實而去虛懼緩而求速情跡萬苦慮出
千思非敢憚區區犬馬之勞也夫

皇上婚禮用止七萬 長公主婚禮用至一十二萬
臣之所求者方欲減於七萬之中而

皇上之所定者願反加於 長公主之外自非有鍊
石點鐵之手又安能爲神運鬼輸之術哉臣言
至此情辭俱竭肝膽畢傾伏祈

聖明俯垂惻隱 大賜主持查 長公主已然之規
杜該監無端之壟容臣陸續辦價進與該庫令
該庫轉發該監自行製造庶職掌不紊而耳目
以寧供應克專而造辦無爽所以輝慶典而光
聖德不淺矣等因萬曆三十五年十二月十七日具
題

請寬停買辦銀兩疏

題爲 國用虛匱

聖念屢厯額外難供臣心甚苦瀝懇

天恩暫停買辦銀兩以救然眉以裕大計事照得

國家歲進金花百萬此定額也自萬曆六年歲增

買辦銀二十萬兩計今二十五年進過銀數幾

至五百餘萬皆太倉分外之增也臣部每歲不

過以

祖宗之常額責之於省直卽以省直之常供輸之於

府庫衍非點鐵物不天來何從別爲輸運行之
一歲猶曰權宜行之累年竟成卮漏竊念通者
缺乏之狀屢軫 聖懷而丐免之疏不蒙

俞旨

皇上得無以往歲之供進不缺爲可支乎不知
皇上初年太倉稍有贏餘偶金花後至則先借贏餘
補之尚調後至之金花可補太倉之借數也年
來太倉如洗一當恭進遂將補解之金花亦爲
節次之用矣補者應補之外庫而乃補之

內府斯竭之所繇來也已而前隙未塞後進忽臨
事窮勢蹙遂將濟邊之軍餉那爲上供之用矣
濟邊者應輸之九邊而乃輸之 內府斯竭之
所繇甚也故在往歲猶曰區處甚艱那移非策
耳其在今日則縱欲區處將以何項處之縱欲
那移將以何物那之九邊之士懸釜待炊枵腹
請命日答告急公移手腕爲痛額內者之支調
尚難額外者之嚴催又至念每及茲臣顏欲焦
臣心欲碎臣之所處難於前者萬倍臣之所苦

倍於前者更萬萬矣夫洩者是間積者懸罄外庫之虛何如鑄山樵市輦致紛紜內府之實何如而益以其虛求濟其實臣所未解也既云買辦則珠寶不宜責之外廷既買珠寶則買辦不應收之內庫一徵其價再徵其物又臣所未解也臣亦不敢贅論是非較可否恒言有無耳今之太倉爲有乎爲無乎每奉

明旨惻然動念知其無而責之有又臣所未解也抑

外庫之與內庫皆

皇上之有也。譬之庶民之家主人，蓋藏稱富而出入不經，致令亞旅疆以不得飽其腹而各有怨言。雖自以爲富人，必以爲貧也。今日九邊之事，大類此矣。臣計臣也，儻其有餘，不過爲

皇上守之。况奉 屢旨何敢不爲

皇上進之。惟是反裘負薪，割肉充腹，時勢至此，可憫可哀。語曰：窮則呼天，病則呼父母。以臣而視

皇上固臣之天，臣之父母也。當此民窮財進之時，捉襟露肘之日，不爲

皇上亟哀求之將誰告乎伏乞

廓天地包荒之量垂父母煦濡之慈少霽

威嚴特存矜恤暫將前項銀兩姑行停止仍俟軍餉
少充別行奏補益緩之今日非以損上也不過
爲外府之藏而補之將來非以病民也乃以償
內府之舊一轉移間而民生

國計邊餉軍需胥有攸賴矣寧直局促愚臣得藉
以寡過已耶等因萬曆三十年六月二十日具
題二十二日奉

聖旨太倉空虛邊餉告急卿部苦迫朕豈不知但各
宮進賜賞賚費用不貲每年季進銀兩內庫樽節
支用尚且缺乏何有贏餘覽奏知道了着遵旨照
數催解進用待稍有積剩自然停止欽此

寬珠寶疏

題爲錢糧奏辦多端太倉積儲久竭懇乞

聖明特賜寬減以全

國計事項該御用監把總張潤澤題催陳設錢糧
奉

聖旨兩宮報完在邇陳設錢糧緊要着戶部作速完
進毋以虛語支吾臨期稽誤欽此欽遵抄出到臣
竊念

兩宮告成舉朝欣企況以

皇上太倉之銀而爲

兩宮陳設之用臣雖犬馬至愚豈不藉手自効惟是
分毫無積新舊交催臣兩疏借動庫銀未蒙

俞允今奉

嚴旨責臣支吾所有千辛萬苦之情不憚煩瑣敢爲
皇上再披瀝之查得

大工錢糧該先任部臣楊俊民於二十六年進過價
銀八十七萬餘兩

典禮錢糧該先任部臣陳堯於二十七等年進過

價銀二百五十五萬餘兩竊計當時二臣之心
必且自謂心力已殫可幸無罪矣卽臣從旁觀
之亦謂二臣拮据至極可仰慰

宸嚴於萬一矣初不意其留不了之局仍爲後人困
苦之地也前年十月

大典舉行臣部倉卒辦進簪珥無遺比時未聞言借
及至去年四月忽題借用之疏今年正月始增
繳璧之數當其未完則責其悞旣完則責其償

目今

福王婚禮進過一十七萬尚在竭蹶豈意二十六
年已完者又更端於今日乎且

國家徵收錢糧曰濟邊折俸曰京糧芻餉而已原
未設有金珠之費也

九重深邃繳壁之義臣愚未曉果欲足此二十七萬
之數勢將九邊例餉暫停一二處不祭然後可
皇上聰明天縱宵旰焦勞試思九邊何者爲不喫緊
九邊錢糧何者爲可少緩須臾也臣當

簡命署事之初曾奉

明旨切責前任部臣不爲

君父分憂臣跪誦三復彷徨泣下因思
皇上身致綦隆螽斯慶衍何者爲憂必

明旨中所謂

國用不足邊餉久虧之故也以故蒞事以來不揣
輕微挺然以身任之於凡借

內庫借問銀清積逋督見徵裁冗費緩

上供凡可以少裨

國用萬分之一少寬

皇上萬幾之憂者終不餘力而讓賢所以然者豈

皇上之內供獨可緩而計臣之職掌獨九邊充足遂

謂於職無愧乎蓋

皇上之遇臣不啻父之於子而臣之事

皇上不啻子之視父

內庭之供無定額亦無定時可紓徐而辦也卽稍

涉稽延猶可望

皇上於情理之中或能諒臣心之無他而力之不去

其在九邊則視臣爲路人也朝而缺餉則朝而

脫巾夕而枵腹則夕而鼓譟

宗社之安危係於斯

皇上之憂愉係於斯監臣之心止知以

內供重臣部之罪而不知臣之心正恐以九邊貽

皇上之憂揆時度勢將使臣爲容身計乎抑爲分憂

計乎臣卽身嬰斧鑕決不敢自負初心以負

皇上矣至於別衙門傳派數萬臣部卽派數十萬其

事其情其難其易似有不可同日語者伏乞

皇上大發慈悲特將前項錢糧酌

賜寬減并將請借庫銀一疏一并

允發容臣愚勉早完前件至於臣之聾聵該監諸臣
往來臣部及臣私寓者無不人人見之濶澤所
言毫無虛假乃臣肢體狼狽心志狂迷種種衰
頹之狀則又非監臣所能悉者容臣另疏陳乞
統候

聖明裁斷

勅下施行萬曆三十一年三月十二日具題

請寬停買辦銀兩疏

題爲四方告災九塞告急帑虛委難支應勢迫寔
繫安危恭請

聖裁併祈酌省以濟時艱事照得萬曆三十二年各
邊餉銀共該三百七十二萬六千餘兩例宜按
時預給今已八閱月于茲矣所經題發僅得一
百八十四萬八千兩而已題未發與夫應發未
題者尚共欠銀一百八十七萬八千餘兩時如
此其遲欠如此其多也臣每一入署便接各鎮

督撫及管糧郎中催取文移大率謂虜已窺關
士多呼癸其詞危其情迫臣讀之不覺股栗而
繼之以泣耳非不搜括太倉而庫藏空虛委無
儲蓄亦知嚴催徵納而四方水旱且議蠲停所
以日積月積不足一釜之發題解領解動爲數
月之淹今且何時乎秋高馬肥夷驕虜憤人人
荷戟在在登陴就使地可因糧尚當亟餽乃如
士有饑色能保他虞計寔誰司而臣不大懼亦
惟是雨粟難期點金無術空然嘔血罔濟然眉

抑獨奈何哉伏惟我

皇上睿智聰明度越尋常意表稍加曲體別有嘉謨
此其所繫三軍命脉

九廟安危諒

皇上閔然必有處矣再照每年添進買辦銀二十萬
兩本出權宜之名未入派徵之額前此左支右
吾祇爲割肌以充腹迨今時窮勢蹙業已露肘
于捉衿蓋正惟前日之支吾致有今茲之窮蹙
必不能以今茲之窮蹙更效前日之支吾何也

災地如此其廣矣是

皇上之所隱也不蠲則緩全賦必難缺餉如此其多矣是

皇上之所憂也有銀卽發那借又難使其可借莫如先足金花金花且稽安能並供買辦勢難湊處進必愆期今若無言後將何策且臣向者屢疏丐免曾奉

明旨稍有積剩自然停止臣雖不敢妄意

大內之藏乃七八年來舟車呈貢山海獻琛儻非漏

卮計已充棟今縱不能出有餘以補不足當不至責不足而增有餘也以此二十萬者置之千箱萬筭之間無能加益餉及九邊七萃之衆寔出殊恩又况歲歲而進之原分出于軍儲之內一旦而蠲之適還得其年例之常此豈惟臣部藉手少紓一時之急而漠南庭北帶甲枕戈之士以時宿飽不啻投醪將使邊陲不聳

社稷無虞亦必賴之

皇上何不以彼易此哉

皇上明主也深居九重洞見萬里試一體察臣部儻
尚可勉支軍需或不至極困而推諉無策欲損
內供臣且爲欺爲玩斧鉞是甘不然而果言言不謬
乞亟停買辦聊蘇目前重念窮邊更賜曲處則
臣所爲含涕而陳引頸而望者也臣愚曷勝衰
懇激切之至等因萬曆三十二年八月二十六
日具題

餉匱請停買辦疏

題爲年例不敷時刻難緩臣心極苦臣技已窮竢
請 聖裁以重邊計事先是大同巡撫張悌題
稱爲秋防調發正般邊餉催促未至懇乞

聖明嚴勅速發以奠疆場等事該臣具覆節奉

聖旨該鎮邊餉告匱京運年例你部便上緊處發山
西河南兩省如何拖欠許多各官推諉成風本當
重處姑着行文勒限徵解再遲叅來處治欽此除
臣一面湊處續發併行文急催通賦外竊照九

邊應發年例不獨該鎮愆期各省且應解錢糧
不獨山西河南失額目今秋已將盡而各鎮下
半年餉銀尙欠一百八十二萬餘兩在在脫巾
人人思逞假令一隅然難入惠無詞九塞從風
安所措手循臣之職竭臣之心卽毛髮可損頂
踵不計何愛片紙文移不爲催督顧臣部之急
急于星火而州縣之艱難于繭絲卽小民敲朴
之下縲紲之中亦不難典妻鬻子破產傾家以
佐公家之急而旁奪于無名之征游窘于登災

之歲雖欲醫瘡無肌可割臣極苦之哀之獨有
仰屋竊歎而已此非

聖主矜憐特賜裁處何以紓目前之急救塞下之危
日夜圖維似匪臣等愚慮所敢專也若但欲責
償于逋賦彼噉噉者能安坐以待乎且查每年
添進買辦二十萬兩原爲權宜未嘗加派不過
于額征軍餉之內那移通融自萬曆六年迄今
進過五百二十餘萬矣年例安得不損帑藏安
得不窮惟我

皇上慨賜蠲停聊存涓滴以濟然眉卽不然亦望少
寬一二年容臣盡力拮据仍俟九邊餉充之日
照舊辦進或亦於

內帑之藏無大損乎頃者 畿內重災

皇上不難發帑移粟以賑之又并房號煤稅而蠲之
一時都民惟呼頌祝洋溢通衢以彼達塞窮軍
荷戈擊斗出萬死一生之力爲

皇上捍禦邊疆追逐醜虜此其勞苦功高視畿民之
擁衛爲何如者而乃分其額內之需緩其計日

原缺

請寬停買辦銀兩疏

題爲災年正賦益詘空帑繁費難支懇乞

聖明暫停買辦以圖專力額供事照得臣部錢糧無
多途輒不過取之各省直惟正之供而地之力
荒則財之源薄入之孔塞則出之路窮理有固
然勢所必至臣竊見連歲災祲無如去年錄北
直隸以及山東河南與大江南北方數千里內
水旱異常皆

皇上之所親聞也一切應徵應解額數錢糧多議蠲

停皆

皇上之所矜恤也以故太倉愈絀不可支持卽今上半年九邊年例取討急于星火尚欠八十餘萬而御前金花兩季共該五十餘萬此皆至要至緊毫不可缺者臣爲此昏旦焦勞嚴催遍括一有解到應內帑者照數進供應邊儲者隨時解發拮据徒勞罅隙無補顧于此心力殫矣計畫窮矣而加增買辦二十萬兩更不能別措手矣蓋此二十萬者原未賦之民間不過分之

額內乃今賦失其賦空嗟竭澤之漁分無可分
誰是瘠饑之肉計無所出惟是哀懇

聖慈暫行停止使臣得專事金花急圖邊餉姑俟稍
有贏餘卽爲照數補進則用一緩二庶幾有端
緒可營而酌盈濟虛不至釀邊庭之禍此臣區
區所爲禱祀而求者也夫臣計臣也入不足則
理其從出之源而歲饑民困猶然繭絲以苛之
已非其職矣出不足則理其緩急之序而智盡
能索乃至金花年例且愆期也柰何能附益哉

用是萬不得已瀝血披誠于節用愛人之主伏
惟我

皇上酌利而重圖焉臣愚曷勝惶恐迫切等因萬曆
三十三年五月十一日具題

請寬停買辦銀兩疏

題爲外帑積匱 上供愈艱懇 恩特信屢

旨寬停買辦以紓目前困危事臣惟臣于主一體也
遇勦勦則有當竭之力遇緩急則有可控之情
力可爲而不肯爲謂之諉情未急而強稱急謂
之欺兩者皆譏而欺尤罪之大云至于力果難
爲情果至迫不知達君父一味含糊支吾以益
前讐而叢後釐是不欺之欺亦非純臣之誼也
若臣今日之情有可得而控陳者矣頃該戶科

抄出御馬監太監孫順題爲季銀積欠數多公
需待用甚迫等因奉

聖旨近來進賜宮分及各項關領成造各節器物費
用浩繁金花買辦銀兩係是正供常例積欠甚多
何以支用着戶部上緊解進毋得遲延欽此欽遵
到部臣捧讀再四惶懼殞越莫知計之所從出
也及簡歷年舊案其乞免買辦一節恭已力懇
者九而得 旨者四矣臣以爲
皇上明知之而不虞其猶未盡諒也以爲

皇上曲體之而不虞其猶爲督責也然細繹屢次
明旨又非不知臣不體臣者其一曰見解到的便着
交進其餘還着嚴限催解進用其一曰稍待積
剩自然停止其一曰買辦等項不甚緊要的備
細間來聽候 裁處其一曰買辦銀兩且着仍
前處進原有 旨稍有積剩自然停止决不虛
爽夫謂之還着催解且着處進者矜而不忍之
辭也謂之自然停止决不虛爽者斷而見許之
辭也如是是臣部情形之苦

皇上體卹之恩不啻揭日月而布中天矣乃停止無期督責如昨者得無曰姑仍之姑進之而姑徐徐已之乎不知此項錢糧使果灑派于省直尚有徵解之時然而此額外之浮數也使果一時之索取或爲權宜之術然而此多年之殘局也從來所那移者不過區區之太倉爾目今太倉無竟夕之儲而九邊以年例偏矣三營以支放偏矣諸商以欠價偏矣譬之百派分波爭涸其源勢未有不窮且盡者無論其他卽如正供金

花年來以扣抵之故積欠四十餘萬臣踴躍待
罪尚苦無策而猶有餘力以營無藝之征也其
將能乎大都內外貴乎相湏名實求其兩副今
急大盈之藏而傾外府之入非所以爲名也國
未獲之數而虧有常之供非所以爲實也與其
暮四朝三爲顧此失彼之拙計孰若用一緩二
爲酌盈濟虛之微權况當

元孫誕育之初四海忻瞻之日萬年增美繁葉流
輝正宜節嗇財源仰荅 父天母地之貺永垂

文子文孫之規又何屑屑此數萬金錢徒以實漏
卮而資朽貫爲哉臣不避煩聒再爲叩

請伏乞 聖旨特信屢 旨慨賜蠲停以成始終

恩造之矣如以全數可惜內用不貲亦乞暫停三二
年以待日後照數補償俾臣得專力于金花而
悉心于邊計總之急邊圉所以固 京師固

京師乃所以安

皇上也伏惟

聖明熟計而審處一焉臣曷勝懇切籲禱之至等因

萬曆三十二年十一月二十二日具題

請寬季銀容催補疏

題爲季銀愆期無措

明旨責成愈嚴謹陳目前窘阨情形懇

恩俯容寬限以圖補進事頃該戶科抄出

內承運庫太監孫順題爲季銀積欠數多

上供匱乏可虞等因奉

聖旨金花買辦銀兩係季進內庫上供急需乃積欠
至四十五萬餘兩進賜關領支費何繇而足經營
官員職守安在姑且不查處便着作速督催進用

外解不至責在司府內解不時責在部司如有仍前怠緩愆期俱要指名奏治罪戶部知道欽此

臣捧誦 嚴綸驚惶無地夫責之以職守是緣季進愆期致支費不給臣之罪也義之所無可逃也寬之以查處是知歷年積欠非臣部耽延主上之聖明也臣之所不勝感也儻揆時度勢尚可通融於萬一卽百補千那以圖報效臣亦何憚不爲而甘心溺職以自叢其咎乎唯是時際今日窘困異常在該庫口銜 天憲按季以催討

甚易在臣等身當艱苦設法以支吾甚難姑不
遠引卽今燕秦齊梁之境盡屬蝻蝗徐淮吳楚
之墟幾爲魚鱉是小民災瘡已甚臣惘乎有隱
憂焉向來所恃以催促者惟文移耳乃文移不
足復題請差官守催矣差官之後又三令而五
申矣夕惕朝乾頽髡舌敝竊謂苦心極慮當不
加此想亦天鑒之所洞燭中外之所共憐者
也該庫不見其形或察其影乃曰坐視遷延全
不用心設法督催夫當此公私匱竭之秋臣之



庸劣誠莫能爲計藉令該庫設臣之身而處臣之地不知心於何用而法於何設耶臣查九邊年例已題未發銀七十六萬六千有餘應發未題銀一百四萬七千有餘軍士冬衣布花銀以九萬計各衛折色銀又不下十數萬兩此二百餘萬皆旦夕所急需者也嚴寒在即四顧旁皇取辦無策臣日夜拭目外解五內欲灼乃督迫愈勤而逋欠如昨夫內供從來藉資外解非天生也外解依期則內供自速

皇上試問自來金花臣部有稽遲三日者乎此不但司官不敢怠緩而臣亦萬萬不敢容其怠緩者也至於買辦銀兩在因太倉稍盈權宜挪借但今老庫已竭搜括無餘臣雖欲勉強將順亦安能持空拳以支應耶伏祈

皇上俯念時勢艱窘之形垂憐臣等督催之苦特賜矜慈少寬斧鉞容臣遵奉

新旨嚴行各該撫按與臣部相爲訂約如文到三月不解罪在省直銀到三日不進罪在臣等其買

辦銀兩稍俟太倉充足之日照數補進庶責成各有所歸彼此不致推諉卽

國計軍需所裨亦非淺鮮矣等因萬曆三十四年九月二十六日具題十月初二日奉

聖旨覽奏非不知卿苦心但金花原係正供進賜關領等費毫不可缺若盡以時勢艱窘爲解朝廷何以取給還遵前旨嚴行催督文到三月不解責在省直爾該部卽行叅奏處治銀到三日不進責在部司其買辦銀兩仍着陸續措處照數補進應用

毋得以空言文吾欽此

懇寬金花請裁買辦疏

題爲積逋有因搜括無策謹披瀝苦情以徼

聖覽事竊惟國家列惟正之供臣子抱急公之義

野夫無知尚思曝背臣實司計兼荷

高深乃于上供之需漫不經意寧惟曠職抑且負

恩曾犬馬之不如矣請先言空乏之故而徐及徵輸

之難可乎臣部歲入四百萬而歲出輒至四百

一十萬居常無事已稱出浮于入而年來意外

之警不時之需因事旋加加輒數倍因加成額

額定未徵臣不敢細開以壅 天聽積而算之
亦既于常入常出之外多費過二千餘萬矣假
使藏之府庫而無所屑越安得不贏饒乃今洩
之尾閭而無所停涵安得不匱詘此臣部之所
以如洗也臣之遭也至于外解有 內供有邊
餉有雜課總之發解于布政司督催于撫按而
絲毫皆出民膏臣近接各省直撫按災傷揭帖
不曰千家野哭則曰百里無烟不曰舉目傾垣
則曰隨處漂沒不曰湏臾緩死則曰積骸盈城

諸撫按摩不望臣請恩于

皇上矣臣讀未終篇相對泣下又重之以各邊之夷
虜生心防秋之士馬枵腹荷戈者如屢陷阱司
餉者如坐針氈蒿目嘔心莫可爲畫又靡不望
臣請恩于

皇上矣時方翹首跂足亟需德音特發大盈少濟
緩急而臣每積誠未至籲天無門臣且無詞
于外臣覲顏于司屬朝昏鬱鬱慚不欲生乃內
監孫順深加督過詆之以踈庸罪之以違慢臣

至愚極陋疎庸何辭而以違慢加臣寃臣甚矣
何也巧婦不能炊無米之饑善射不能張無弦
之弓臣所督徵不過移文於撫按甚則

遣官坐催兩者寔易與耳卽撫按亦非能神輸鬼運
不過索之民間乃據訴苦乞哀之文民命如絲
室家如掃此何等時也縱使繁言滿紙僅託空
談絡繹追呼亦難卒應明知無補而以故事塞
責臣何敢焉臣亦非敢辭弘牟僅式劉晏之名
柰窮天罄地毛髮焦枯無所施鹽鐵均輸間架

之計臣之力已殫而臣之心亦苦矣所賴

聖慈軫念屢示優容誠如該庫所稱臣有死所哉及
查所欠金花一十八萬皆歷年積逋若凡經臣
之手者進完如額目今外解所負多係邊儲雜
課而 上供之金花不與焉乃若買辦所欠三
十二萬此尤未派于常徵權移于軍餉近以餉
缺邊危之故

皇上頒有 明旨惟留十萬兩豈其萬世之封疆不
得與一時之賞賚較輕挈重而不蒙

聖慈之一察也嗟嗟臣本疎庸亦復耄病外廷譏臣
爲聚斂臣愧不能內廷斥臣爲違慢臣信不
敢惟是理財無策負國負民日夜憂皇情堪
矜閔伏乞我

皇上聖明垂鑒特賜歸休別選才賢俾之籌畫其于
今日必克有濟耳更乞軫念時艱于應解金
花銀兩寬期續進并昭信

前旨于加增買辦銀兩仍畱接濟庶幾下逭責於臣
躬而上無愆於國計矣臣不勝惶恐待

命之至等因萬曆三十五年九月二十一日具奏

懷寬金花請裁買辦疏

題爲

明旨督責甚嚴 內供措處無策謹瀝血籲

天懇恩寬卹以急邊儲事項該承運庫太監孫順題
爲季銀節年積欠數多懇祈 嚴勅該部速行
催解那處進用以濟急需事內稱拖欠季銀共
六十二萬八千一百六十三兩八分四釐二毫
要將拖欠地方官員指名叅處一節奉

聖旨這所奏季銀係御用正供時不容緩如何拖欠

數多該部坐視怠玩全無急公之意姑且不究便
着嚴行各省直撫按等官作速嚴限催征解進應
用其該地方經管官員違悞愆期職守何在該部
查明奏請定奪戶部知道欽此臣跪誦

嚴綸魂搖汗浹不覺身心之罔措而寢食之靡寧也
夫人臣之義莫大於急公而

皇上責之曰全無人臣之罪莫甚於怠玩而
皇上責之曰坐視是臣數載苦腸不能上孚

帝鑒而一生努力無繇仰答 主知自愧自尤頂踵

奚贖所幸 聖度優容復寬之曰姑且不究條
乎天地不以風霆廢雨露父母不以訶譏廢慈
悲臣知罪矣又知恩矣沐恩至此卽捐糜圖報
罕塞萬一苟目前稍可那移而猶仰厯

曆慮臣卽有胸無心亦何以爲情乎第念天之生財
止有此數而惟正之額猝難驟加

祖宗金花歲設百萬派之省直輸之內廷不聞有
所謂買辦也自萬曆六年突增買辦銀二十萬
兩至今幾三十年共進過五百四十餘萬殆兼

數載之金花矣此皆分外之加添非有額設之
正派不過太倉爲賠賠耳當時太倉充初一遇
傳呼輻輳立至嗣是 典禮軍興層見迭出而
蠟書羽檄紛至沓來支撐不前也而動及老庫
搜括無遺也而貸及閭閻藏露肘捉襟朝不謀夕
於是買辦不給遂割金花以充之至今而金花
亦且不敷矣眼前可醫心頭無肉九邊待哺勢
切燎眉將何索以取償耶夫鍾釜不增漏卮無
極此立盡之術也那甲就乙彼此兩困此必然

之勢也卽該庫自稱不能爲無米之炊臣技匪
化人又安所得點石之術

皇上試思區區太倉豈不涸之源而能當此尾閭之
洩哉案查省直金花若蘓松常徽四府廣東福
建江西各布政司俱係歷年起解者也乃南直
隸閩廣各解至三十四年通完無欠其三十五
年則今歲之所宜解也江西解至三十四年夏
季止所欠者秋冬兩季耳浙江湖廣二布政司
俱係見年起解者也湖廣已全完浙江解至三

十五年秋季止所欠者冬季耳總計金花欠數
祇該二十五萬八千一百六十餘兩其三十七
萬則買辦之數額之所不載也臣力督司屬所
夕嚴督穎髡腕腕計此時起解俱已在途所稽
者山川脩阻跋涉艱辛縮地無從一呼難至該
地方經管官員責之以愆期誠無以自解而罪
之以違悞則尚有可原赫赫威靈明明三尺
誰無葵忱而忍自干法紀哉至於買辦銀兩

皇上一則曰准留十萬濟邊再則曰動支三萬解邊

是邊需急於買辦 聖心已自洞然况原奉

玉音自然停止決不虛爽臣夙夜引領蚤冀宣慈

皇上明並日月信如四時豈其明許於前而顧屯膏
於後乎總之數有盈縮天之行也特有盈歟人
之遭也臣運逢其歟而欲求其豐覺已智窮而
力竭

皇上躬處其盈而猶取諸縮從何天降而神輸矧臣
羸然一軀竅然一心耳上畏天威之莫測下虞
九塞之呼庚督催稍嚴既任地方之詬怨誅求

太迫復憂予遺之流離首尾倉皇進退跼蹐如
隻身陷水火中四顧疾呼誰爲援手蓋誠難矣
苦矣不可以言悉矣所恃者一念犬馬報

主之忱三十年於此或可徵

皇上特達之知以庶幾無忝臣職無負生平耳詎謂
一旦蒙譴如此語曰知臣莫如君知子莫如父
以君父如

皇上而不憐臣體臣也則臣千辛萬苦又將誰控乎
伏乞

皇上擴天地覆載之量推父母顧復之仁大賜矜憐
稍寬斧鉞念地方拖欠原非故違將經管各官
暫從寬假容臣嚴行各該撫按將前項未完金
花銀兩火速催徵刻期起解通限三月以冀到
部此後務要省直一體俱限當年通完勿得沿
襲舊規致稽御用如再因循定違

明旨指名查叅若買辦銀兩更望

聖慈堅信 前旨稍緩一二載容臣竭力邊儲俾貌
貅百萬無慮脫巾俟邊儲稍充之日照數奏補

庶九邊靖則內地亦靖外患寧則

聖心亦寧矣臣理屈辭窮不知所云伏惟

聖明裁照臣無任悚息待

命之至等因萬曆三十六年正月初七日具題

覆光祿寺題催錢糧疏

題爲寺帑空乏可慮商役困苦足憐伏乞速爲酌
處以救然眉事廣西清吏司案呈奉本部送戶
科抄出光祿寺卿王守素等題前事等因奉

聖旨着戶部作速計處欽此欽遵抄出到部送司案
呈到部該臣看得光祿寺卿題稱供應急缺乞
要措處接濟并催前銀以裕正供各一節爲照
該司錢糧原總計一歲之入自足當一歲之出
在先朝節蓄之餘動稱貫朽何今日惟正之

賦輒憂罄懸益一疲于傳奉累增再困于貢夷
聚食請裁不報逋賦難完旣束手于局中乃借
資于計部其勢誠窘其情誠迫矣况外解誰非
皇上之蓄積而寺部之畛域奚分且內供誰非

皇上之急需而臣子之隱憂共切儻有贏餘可割卽
捐鉅萬何辭顧今太倉如洗外解不前登丘而
呼者人人枵腹幾成析骸易子之形借箸而籌
者事事攢眉更無割肉醫瘡之處此度支何等
景象指處何等艱難而尚有積滯之因陳足以

紓該寺之緩急耶臣非不知借濟五萬數不甚多惟臣查自舊年奉 旨措處二萬今越一歲止領五千則臣部虛竭之狀拮据之艱亦足觀矣二萬猶且難支五萬談何容易且令軍士脫巾卽我

皇上八珍在前因知不樂而九邊起釁以較建夷千數爲梗又當不啻也則臣部與該寺之危急必有分矣惟是舊年措處二萬業奉

明旨容臣劄行銀庫陸續接濟該寺以救然眉至寺

額解到容臣照數扣補本庫其各省直拖欠該寺銀兩尚乞嚴旨申飭以便臣行各處催取此則臣之所可自効于該寺者抑臣猶有進焉今者內供之匱乏多繇宜索之太繁昔仁宗饑惜燒羊而海內殷富韓侯賞恡敝袴而人知恩榮則夫裁無藝之供急生民之困以紓寺積以裕國儲是又在

皇上一樽卹間而該寺與臣部均受其福者也臣無任迫切懇禱之至等因萬曆三十六年十一月

原缺

請停買辦銀兩疏

題爲李銀逋欠數多 上供萬分缺乏速催補進
以濟急需事本年月日屢接 內承運庫揭帖
前事大約謂李銀積欠共一百二十三萬四千
二百三十兩六錢有零催促臣部上緊進供等
因到部該臣查得內有五十六萬四千二百三
十餘兩係各省直額設金花年來逋負如此之
多此固有司怠緩之罪而亦臣部溺職之愆斧
鉞尚寬責躬無地容卽移文嚴督以期需次上

供無煩 聖慮外至於六十七萬餘兩悉係買辦買辦週年以二十萬計然而非額派也分外之那處也創始于萬曆六年後遂沿以爲例彼時時和年豐家給人足猶或有贏餘補湊而今則非其時矣日復一日年復一年是以積欠如許該庫之文移絡繹如雨而宦使之車馬填委如繩臣於匡床間日爲應接幾無休時竊念臣部之那移繇於省直之輸運省直之輸運繇於年歲之豐登臣今不敢言額外之誅求惟言太

倉之有無雖欲那而有不可得者外解不接
內供若流百孔千瘡分毫無積向猶那借金花而
金花負矣向猶那借軍餉而軍餉空矣人無點
鐵之術天嗇雨粟之期何項可以支吾何項可
以湊補諺云割肉充腹夫割肉非計也然而有
可以割若以方今之太倉無可以割矣今何時
哉而猶督責未已也臣亦不必言太倉之有無
惟言今日之災祲雖欲贏而又不可得者去年
吳楚江浙之區大祲稽天今年泰晉趙魏齊魯

江閩之郊水旱米蝗層見迭出卽今草根樹皮
悉充餽粥稚男幼女半委溝渠普天之下何處
非災四海之內何家得食撫按不勝賈生之哭
有司爭寫鄭俠之圖 請蠲請賑旋復請停

皇上亦旣耳而目之矣今何時哉而猶督責未已也
蓋晝夜以思臣之所可能者供應之常云耳
至於無米而炊則臣所不能爲也臣之所可及
者督促之牘云耳至於天行之數則臣所不能
敵也夫數行公移臣豈不能倉猝而辦然而無

如州縣之控訴何矣。筮楚折揚州縣豈不能頃刻而施然而無如民生之轉徙何矣。折家破產民豈不欲急公上之輸將然而無如水旱之涸臻何矣。夫至民無如歲何而

皇上又豈能如天何

皇上既無能如天何獨得不憐百姓憐百姓獨得不寬臣部寬臣部獨得不緩買辦緩買辦所以寬百姓也。壽國壽民之道也。若必執不能舍歛而無休臣恐民知無路而生必且轉相爲盜胡越

起於輦轂而禍患在於斯須寧獨臣部將

國事有不可言者矣憶昔萬曆三十年六月二十
二日該臣部具題伏奉

聖旨太倉空虛邊餉告急卿部苦迫朕豈不知但各
宮進賜賞賚費用不貲每年季進銀兩內庫撙節
支用尚且缺乏何有贏餘覽奏知道了着遵旨照
數催解進用待稍有積剩自然停止欽此夫連年
推採輦致紛紜卽云賞賚不貲諒亦不至匱缺
區區買辦無論災荒之候無處得來就使輸之

內府亦不過爲朽蠹之資耳臣於此時方且苦懇
皇上慨發帑金以活溝瘠乃反亟此朽蠹以窘窮曹
展轉哀號死無所避伏惟

皇上廓天地包荒之量發父母煦育之慈察臣愚萬
苦之衷體臣部萬難之勢暫將前項買辦銀兩
停止數年以俟太倉稍有贏餘照數補進俾臣
得專力于金花而悉心于邊計庶

國計民生兩受其福矣乃至臣者主計無能
內供時缺力綿任重計畫無之伏惟

皇上亟賜議黜以懲曠官臣無任激切待

命之至等因萬曆三十七年十一月十四日具題十

二月二十二日奉

聖旨宮用浩繁這拖欠金花銀兩着作速催解進用
其買辦銀既說邊餉急缺准陸續補進欽此